

Sarajevo, 12-08-2020

Broj: 01-11-3-36262

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-35824 od 10.08.2020. godine, Generalna direktorica donosi:

**ODLUKU
o izboru najpovoljnijeg ponuđača
za nabavku rezervnih dijelova/materijala/usluga servisa za preventivno i interventno servisiranje
linearnog akceleratora True Beam proizvođača Varian i prateće opreme locirane na Klinici za
onkologiju KCUS-a**

I

Prihvata se prijedlog Komisije za javnu nabavku rezervnih dijelova/materijala/usluga servisa za preventivno i interventno servisiranje linearnog akceleratora True Beam proizvođača Varian i prateće opreme locirane na Klinici za onkologiju KCUS-a, po Izvještaju br. 10-33-4-35824 od 10.08.2020. godine i okvirni sporazum za sukcesivnu nabavku prema potrebama ugovornog organa u toku 12 mjeseci se dodjeljuje dobavljaču MEDIT d.o.o. Sarajevo, pod uslovima dogovorenim/usaglašenim u toku pregovaračkog postupka sa objavom obavještenja br. 893-3-1-507-3-258/20 od 13.07.2020.godine i po konačnoj ponudi: 10-11-3-35679 od 10.08.2020. godine, kako slijedi:

- Cijena norma sata rada servisera je: 120,00 KM bez PDV-a;
- Troškovi defekataže za vrijeme trajanja okvirnog sporazuma su besplatne
- Odziv servisera na intervenciju je maksimalno 10 sati od momenta prijema pismene obavijesti od Tehničkog sektora
- Uslovi plaćanja za rezervne dijelove : Avans 20% ostatak 60 dana od dana isporuke i ispostavljanja fakture
- Uslovi plaćanja za servisne usluge : 30 dana od dana izvršenja servisne usluge i ispostavljanja fakture
- Rok isporuke rezervnih dijelova je maksimalno 48 sati od dana prijema narudžbenice i uplate avansa
- Garantni rok za rezervne dijelove je 180 dana od dana ugradnje
- Ponuđač se obavezuje da će ugrađivati samo orginalne rezervne dijelove
- Spisak rezervnih dijelova dostavljen je u elektronskoj verziji (USB stiku) koji je sastavni dio izvještaja i konačne ponude ponuđača.
- Isporuka rezervnih dijelova će se vršiti sukcesivno prema potrebama Ugovornog organa u periodu od 12 mjeseci.

Sve cijene su izražene u KM bez PDV-a za robu, a podrazumjevaju isporuku krajnjem korisniku putem skladišta ugovornog organa po zahtjevu krajnjeg korisnika (KCUS-a) i nepromjenjive su za cijeli ugovoreni period.

Ukupna vrijednost okvirnog sporazuma u trajanju od 12 mjeseci je maksimalno do 400.000,00 KM bez PDV-a (399.999,99 KM bez PDV-a).

II

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo, kao i dostavljena ponuđačima učesnicima postupka javne nabavke.

Milan Jukić

O B R A Z L O Ž E N J E

Na osnovu Odluke br. 01-11-3-31344 od 13.07.2020. godine KCUS je pokrenuo postupak javne nabavke **rezervnih dijelova/materijala/usluga servisa za preventivno i interventno servisiranje linearnog akceleratora True Beam proizvođača Varian i prateće opreme locirane na Klinici za onkologiju KCUS-a**, putem pregovaračkog postupka sa objavom obavještenja u skladu sa članom 20. i članom 27. ZJN BiH (Sl. Glasnik 39/14).

Redni broj nabavke iz privremenog Plana za 2020.godinu: pod klasifikacijom robe tačka 19. u iznosu od 200.000,00 KM i tačka 20. u iznosu od 150.000,00 KM, te pod kvalifikacijom usluge tačka 36. u iznosu od 50.000,00KM (odnosno redni broj nabavke iz Plana javnih nabavki za 2020. godinu pod kvalifikacijom robe tačka 51- Odluka o usvajanju Plana javnih nabavki Kliničkog centra Univerziteta u Sarajevu za 2020 godinu, broj: 569/20 protokol br. 04-2-32337/20).

Poziv za pregovarački postupak sa objavom obavještenja za I fazu (predkvalifikacije) objavljen je na portalu e-nabavke pod brojem 893-3-1-507-3-258/20 od 13.07.2020.godine i isti je preuzelo 5 (pet) potencijalnih ponuđača. Do krajnje roka određenog za prijem ponuda 11,30 sati, dana 28.07.2020 godine, dostavljena je jedna (1) ponuda ponuđača MEDIT d.o.o. Sarajevo broj:10-11-3-34027 od 28.07.2020. godine u 09:05 sati.

Komisija imenovana Odlukom broj: 01-04-4-33549 od 23.07.2020 god. pristupila je provjeri dokumentacije dostavljene uz ponudu za I fazu (predkvalifikacije) i konstatovala da je dostavljena ponuda formalno pravno i tehnički ispravna i da se uzima u dalje razmatranje.

Nadalje, na osnovu Prijedloga Komisije i zapisnika za I fazu (predkvalifikacija) u sistem e-nabavke unešeni su podaci da ponuđač MEDIT d.o.o. Sarajevo ispunjava uslove predkvalifikacija i u skladu sa navedenim dana 05.08.2020.godine objavljen je poziv ponuđaču MEDIT d.o.o. Sarajevo za dostavljanje ponude za II fazu pregovaranja (Inicijalna ponuda). U skladu sa Pozivom za dostavljanje inicijalne ponude ponuđač MEDIT d.o.o. Sarajevo je dana 04.08.2020.godine na glavni Protokol KCUS-a dostavio ponudu br. 10-11-3-35070 /20. Komisija je konstatovala da su dostavljeni svi elementi ponude u skladu sa pozivom i da se može pristupiti pregovaranju. Zapisnik sa pregovora br. 10-33-4-35141 od 04.08.2020.godine je sastavni dio Izvještaja Komisije.

Na osnovu usaglašenih stavova kroz sistem e-nabavke upućen je poziv za dostavljanje Konačne ponude sa rokom dostave ponude do 10 sati dana 10.08.2020.godine. Ponuđač je u datom vremenskom roku na glavni Protokol KCUS-a dostavio konačnu ponudu koja je protokolirana pod br. 10-11-3-35679 od 10.08.2020.godine.

Izvjestajem br. 10-33-4-35824 od 10.08.2020. godine Komisija predlaže da se Okvirni sporazum za nabavku **rezervnih dijelova/materijala/usluga servisa za preventivno i interventno servisiranje linearnog akceleratora True Beam proizvođača Varian i prateće opreme locirane na Klinici za onkologiju KCUS-a**, dodijeli ponuđaču MEDIT d.o.o. Sarajevo pod uslovima dogovorenim/usaglašenim u toku pregovaračkog postupka i po konačnoj ponudi koja je sastavni dio okvirnog sporazuma.

Uzimajući u obzir naprijed navedeno, donosi se odluka kao u dispozitivu.



POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:
- Ponuđaču;
- a/a